



Prifysgol Cymru
Y Drindod Dewi Sant
University of Wales
Trinity Saint David

Datganiad

Preifatrwydd

Ymgeiswyr

Datganiad Preifatrwydd Ymgeiswyr

Ar hyd y Datganiad hwn, mae “y Brifysgol”, “ni” ac “ein” yn cyfeirio at Uned Farchnata, Cofrestrfa Academaidd ac Uned Recriwtio Rhyngwladol Prifysgol Cymru Y Drindod Dewi Sant a’i Hathrofeydd, Cyfadrannau ac Ysgolion. Mae “chi”, “eich” a/neu “testun data” yn cyfeirio at y rheini sydd wedi mynegi diddordeb mewn bod yn fyfyrwr yn y dyfodol yn y Brifysgol (ar gam gwneud ymholiad ac ar gam gwneud cais).

Mae’r datganiad hwn yn esbonio sut bydd yr adrannau uchod yn y Brifysgol yn trin ac yn defnyddio’ch data personol yn ystod y broses recriwtio ac ymgeisio.

Bydd casglu data personol gennych chi’n ein galluogi ni i gael gwell dealltwriaeth o’r hyn sydd o ddiddordeb i chi. Bydd yn caniatáu i ni gadw mewn cysylltiad â chi er mwyn eich cadw’n gyfredol â’n gweithgareddau a datblygiadau, a bydd yn ein galluogi i’ch paratoi yn y ffordd orau i fod yn fyfyrwr yn y Brifysgol yn y dyfodol.

Bydd y Datganiad dilynol yn dangos sut bydd y Brifysgol yn defnyddio’ch data personol yn benodol at ddibenion derbyn a recriwtio.

Rydym yn ymrwymedig i ddiogelu eich gwybodaeth a bod yn dryloyw ynghylch y wybodaeth sydd gennym amdanoch chi. Fodd bynnag os hoffech chi ddarllen rhagor am ymrwymiad y Brifysgol i ddiogelu’ch gwybodaeth personol a bod yn dryloyw fel cyfangorff, cyfeiriwch at Bolisi Diogelu Data’r Brifysgol.

Y Rheolydd Data a Manylion Cysylltu

Prifysgol Cymru Y Drindod Dewi Sant yw'r rheolydd data ac mae'n ymrwymedig i ddiogelu hawliau myfyrwyr yn unol â Deddf Diogelu Data 1998 y DU a'r Rheoliad Cyffredinol ar Ddiogelu Data (GDPR) newydd.

Manylion Cyswllt y Swyddog Diogelu Data

Mae gan y Drindod Dewi Sant Swyddog Diogelu Data y gellir cysylltu ag ef yn foi@uwtsd.ac.uk

Pa wybodaeth rydym yn ei chasglu amdano chi?

Byddwn yn casglu gwybodaeth amdano chi wrth ryngweithio â chi fel darpar fyfyrwr yn y Drindod Dewi Sant yn y dyfodol, er enghraifft ond heb ei gyfyngu i'r canlynol: pan fyddwch yn gwneud ymholiadau, yn gofyn am brosbectws, yn anfon e-bost a/neu'n gwneud cais i astudio gyda ni. Mae'n bosibl hefyd y cawn ni wybodaeth amdano chi o'r tu allan i'r Brifysgol, megis gwybodaeth gan UCAS ynghylch ceisiadau UCAS israddedigion neu wybodaeth drwy ddigwyddiadau Recriwtio, yn ogystal â gwybodaeth a roddir gan ganolfyr. Mae'r mathau o wybodaeth bersonol a brosesir yn cynnwys y canlynol, er nad yw'n gyfyngedig i'r rhain:

Casglu gwybodaeth a gyflwynir drwy ffurflenni neu drwy drydydd parti (yn cynnwys asiantau)

- Manylion cyswllt.

- Gwybodaeth Bersonol, megis dyddiad geni at ddibenion diogelu plant a phobl dan 18 oed neu oedolion sy'n agored i niwed.
- Profiad a chyrhaeddiad addysgol blaenorol.
- Hanes cyflogaeth.
- Gwybodaeth mewnfudo (megis manylion pasbort, hanes mewnfudo a hyfedredd yn y Saesneg)
- Gwybodaeth ariannol pan fo'n ofynnol, er enghraifft, er mwyn asesu cymhwysedd ar gyfer Ysgoloriaeth neu gymhwysedd ar gyfer datganiad Cadarnhad Derbyn i Astudio.
- Gwybodaeth iechyd (yn cynnwys unrhyw anableddau) sy'n dod o dan y categorïau arbennig o ddata lle mae cydsyniad eglur yn ofynnol ar gam gwneud cais.
- Holiadur lechyd – Addasrwydd i Ymarfer
- Copiau o ddogfennau adnabod mae eu hangen ar gyfer gwiriad gan y Gwasanaeth Datgelu a Gwahardd.
- Ar gyfer myfyrwyr rhyngwladol: Copiau o basbortau, fisâu ac unrhyw ddogfennau eraill sy'n ofynnol i sicrhau cydymffurfiaeth â gofynion Fisâu a Mewnfudo y DU a/ neu'r Swyddfa Gartref.
- Ar gyfer myfyrwyr y DU a'r UE: Copiau o basbortau neu unrhyw ddogfennau eraill sy'n ofynnol er mwyn asesu statws ffioedd.

Sut caiff eich gwybodaeth chi ei defnyddio?

Yn ystod y broses recriwtio ac ymgeisio byddwn yn defnyddio eich data personol at ddibenion asesu eich cymhwysedd i fod yn fyfyrwr yn y Drindod Dewi Sant yn y dyfodol. Mae diben y wybodaeth a brosesir yn cynnwys y canlynol, er nad yw'n gyfyngedig i'r rhain:

Diben	Sail Gyfreithiol a Chyfiawnhad
<p>Defnyddir ymholiadau (neu fynegiannau o ddiddordeb) a wneir i'r Brifysgol i greu cofnod o fewn ein cronfa ddata. Mae hyn yn caniatáu i ni eich arwain chi drwy gamau nesaf y broses.</p>	<p>Cyfiawnhad Drwy gysylltu â ni, rydych wedi mynegi diddordeb mewn dilyn cwrs yn y Drindod Dewi Sant. Byddwn yn eich dynodi'n fyfyrwr yn y dyfodol yn ystod y cyfnod rydych yn 'ymholydd dilys'</p> <p>Sail Gyfreithiol yn ôl diffiniad y GDPR Mae prosesu gan y Brifysgol yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p>
<p>Defnyddir ceisiadau a gyflwynir i'r Brifysgol i asesu'ch cymhwysedd i fod yn fyfyrwr yn y Drindod Dewi Sant yn y dyfodol. (Nid yw hyn yn cynnwys unrhyw wybodaeth yn gysylltiedig ag unrhyw wybodaeth iechyd a ddatganwyd).</p>	<p>Cyfiawnhad Drwy gyflwyno cais byddwn yn eich dynodi'n fyfyrwr yn y dyfodol yn ystod y cyfnod rydych yn 'ymholydd dilys'</p> <p>Sail Gyfreithiol yn ôl diffiniad y GDPR Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p>

Yn sgil eich cais, byddwn hefyd yn defnyddio'r canlynol:

<p>i) Gwybodaeth Atodol, megis Asesiadau Ffioedd ac Asesiadau Hanes Mewnffudo.</p>	<p>Cyfiawnhad Er mwyn sicrhau y gwneir asesiad cywir o'ch ymholiad a/ neu eich cais, efallai byddwn yn gofyn am wybodaeth atodol ychwanegol gennych chi.</p> <p>Sail Gyfreithiol yn ôl diffiniad y GDPR Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>Mae angen prosesu eich data personol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y Brifysgol.</p>
--	--

<p>ii) Bydd holiaduron yn angenrheidiol ar gyfer cyrsiau Prifysgol</p>	<p>Cyfiawnhad Ar gyfer rhai o'n rhaglenni mae'n ofynnol yn ôl y gyfraith bod pob myfyriwr yn addas i ymarfer o fewn ei ddewis yrfa. Felly mae gwiriadau iechyd a gwiriad gan yr heddlu'n ofynnol ar gyfer y cwrs. At hynny, byddwn yn gofyn a oes arnoch angen cymorth ychwanegol neu a oes angen i ni wneud "addasiadau rhesymol" er mwyn darparu ar gyfer eich gofynion astudio.</p> <p>FFURFLEN HOLI AM WIRIADAU IECHYD A CHYMORTH Sail Gyfreithiol yn ôl diffiniad y GDPR i brosesu categorïau arbennig o ddata. Mae'r testun data wedi rhoi cydsyniad eglur i'r prosesu.</p> <p>Sail Gyfreithiol yn ôl diffiniad y GDPR Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>GWIRIADAU'R HEDDLU Sail Gyfreithiol yn ôl diffiniad y GDPR Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>Mae prosesu'n angenrheidiol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y rheolydd.</p> <p>Seiliau cyfreithiol ychwanegol o fewn y Ddeddf Diogelu Data ar gyfer prosesu data categorïau arbennig:</p> <ul style="list-style-type: none"> ▪ Atodlen 1 Rhan 2 Paragraff 8 – atal neu ganfod gweithredoedd anghyfreithlon ▪ Atodlen 1 Rhan 2 Paragraff 9 – Diogelu'r cyhoedd rhag anonestrwydd
<p>Cwynion ac Apeliadau</p>	<p>Cyfiawnhad Er mwyn sicrhau cysondeb a thegwch yn ystod y broses recriwtio a derbyn, mae gennym weithdrefn cwynion ac apeliadau, lle gellir gofyn am wybodaeth ychwanegol.</p> <p>Sail Gyfreithiol yn ôl diffiniad y GDPR Mae prosesu'n angenrheidiol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y rheolydd.</p>

<p>Gwybodaeth yn gysylltiedig â Materion Mewnfudo</p>	<p>Cyfiawnhad Mae'n ofynnol yn ôl y gyfraith i'r holl fyfyrwyr sydd angen fisa i ddod i mewn i'r DU gyflwyno gwybodaeth ychwanegol yn rhan o'r broses ymgeisio.</p> <p>Sail Gyfreithiol yn ôl diffiniad y GDPR Mae prosesu'n angenrheidiol er mwyn cydymffurfio â rhwymedigaeth gyfreithiol sydd ar y rheolydd.</p> <p>Mae angen prosesu eich data personol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y Brifysgol.</p>
<p>Cyfathrebu â chi: Yn ddibynnol ar y wybodaeth rydych wedi'i rhoi yn ystod y broses recriwtio a derbyn, gellir anfon cyfathrebiadau drwy'r post, y ffôn (a ffôn symudol) neu ddulliau electronig, yn bennaf drwy e-bost.</p> <p>Os derbyniwch unrhyw negeseuon diangen, byddwch yn gallu datdanysgrifio ar unrhyw adeg o unrhyw rai o'n negeseuon e-bost.</p> <p>Gallwn hefyd ddefnyddio nodweddion busnes y cyfryngau cymdeithasol i gyfleu gwybodaeth berthnasol a fydd yn eich arwain chi drwy'r broses.</p> <p>Sylwer: dylai defnyddwyr platfformau'r cyfryngau cymdeithasol allu newid eu dewisiadau o fewn gosodiadau pob platfform.</p> <p>Gallwch hefyd gysylltu'n uniongyrchol os hoffech ddiweddarau'ch dewisiadau.</p>	<p>Cyfiawnhad Ar gyfer cyfathrebu angenrheidiol yng nghyswllt eich astudio yn y dyfodol:</p> <p>Sail Gyfreithiol yn ôl diffiniad y GDPR Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>Wrth anfon gwybodaeth atodol atoch a fydd yn eich arwain drwy'r broses:</p> <p>Sail Gyfreithiol yn ôl diffiniad y GDPR Mae prosesu'n angenrheidiol at ddibenion Buddiant Dilys a ddilynir gan y rheolydd neu gan drydydd parti, ac eithrio pan fydd buddiant o'r fath yn cael ei orbwyso gan fuddiant neu hawliau a rhyddid sylfaenol y testun data.</p> <p>Mae ein buddiant dilys penodol fel a ganlyn: Mae'r Brifysgol yn gallu cynnig amrywiaeth eang o wasanaethau i fyfyrwyr y tu hwnt i gwmpas ei phrif nod o ddarparu addysg. Mae'n bwysig ein bod yn gallu cynnig y gwasanaethau hyn er mwyn gwella profiadau myfyrwyr.</p> <p>Mae helpu myfyrwyr gymaint â phosibl yn y broses ymgeisio hefyd yn sicrhau eu bod yn cwblhau eu cais ac yn penderfynu astudio gyda ni.</p>
<p>Digwyddiadau ychwanegol a gynigiwn, megis y Gwasanaeth Codi/Cwrdd a Chyfarch yn y Maes Awyr, Cynadleddau Myfyrwyr/Athrawon ac ati.</p>	<p>Cyfiawnhad Bydd dull cofrestru gan yr holl wasanaethau ychwanegol a gynigir gennym, lle bydd angen cydsynio.</p> <p>Sail Gyfreithiol yn ôl diffiniad y GDPR Mae'r Testun Data wedi rhoi cydsyniad i'r prosesu.</p>

<p>Nawdd ac Ysgoloriaeth</p>	<p>Cyfiawnhad Mae nifer o drefniannau gwahanol o ran nawdd ac ysgoloriaeth ar gael ar hyd y broses.</p> <p>Yn ddibynol ar y math o ysgoloriaeth a gewch mae'r sail gyfreithiol yn amrywio.</p> <p>Er enghraifft: Os ydych wedi gwneud cais am yr ysgoloriaeth</p> <p>Sail Gyfreithiol yn ôl diffiniad y GDPR Mae'r Testun Data wedi rhoi cydsyniad i'r prosesu.</p> <p>Os darparwyd yr ysgoloriaeth ar eich cyfer yn awtomatig am eich bod yn bodloni rhestr benodol o feini prawf (megis graddau) y sail gyfreithiol yw 'rheidrwydd contractiol'.</p> <p>Sail Gyfreithiol yn ôl diffiniad y GDPR Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p>
<p>Dadansoddi a Phroffilio</p>	<p>Cyfiawnhad Mae'n bwysig i ni allu defnyddio data at ddibenion ymchwil i'r farchnad er mwyn llywio ein gweithgarwch marchnata yn y dyfodol a chynnal cystadleurwydd yn y farchnad. Fel arfer mae hyn yn ddata dienw er mwyn dynodi/dadansoddi tueddiadau ac ati, fodd bynnag, gellir defnyddio data personol hefyd.</p> <p>Sail Gyfreithiol yn ôl diffiniad y GDPR Mae prosesu'n angenrheidiol at ddibenion Buddiant Dilys a ddilynir gan y rheolydd neu gan drydydd parti, ac eithrio pan fydd buddiant o'r fath yn cael ei orbwysio gan fuddiant neu hawliau a rhyddid sylfaenol y testun data.</p> <p>Mae ein buddiant dilys penodol fel a ganlyn: Mae'n bwysig i'r Brifysgol ddefnyddio data at ddibenion ymchwil i'r farchnad er mwyn llywio ei gweithgarwch marchnata yn y dyfodol a chynnal cystadleurwydd yn y farchnad.</p>

Y sail gyfreithiol yn ôl diffiniad y GDPR y byddwn yn dibynnu arni yw cyflawni contract yn y dyfodol tra byddwch wedi'ch dynodi'n 'ymholydd dilys' a/neu'n 'wir ymgeisydd'

Diffiniadau:-

'Ymholydd Dilys'	Mae ymholydd yn ymholydd dilys dim ond os nad yw wedi cyflwyno cais erbyn diwedd cyfnod ymgeisio'r flwyddyn academaidd benodol honno. Nid yw ymholydd yn ymholydd dilys bellach ac fe'i gwahoddir i optio mewn i dderbyn cyfathrebiadau pellach, (er enghraifft os ydy ymholydd wedi gwneud ymholiad am flwyddyn academaidd 20/21) os nad yw wedi cyflwyno cais erbyn dyddiad terfynol UCAS ar gyfer ceisiadau 2020, ac felly anfonir gwahoddiad ato i optio mewn. Os bydd yn penderfynu peidio ag optio mewn, caiff ei gofnod ei newid i 'peidio â chysylltu'. Fodd bynnag, caiff y data personol eu storio gan y Brifysgol tan ddiwedd y cyfnod cadw neu gyfarwyddyd gan yr ymholydd/ymholydd dilys i'w dileu.
'Gwir Ymgeisydd'	Mae ymgeisydd yn 'wir ymgeisydd' dim ond yn ystod y flwyddyn mae wedi gwneud cais. Os nad yw wedi cofrestru erbyn diwedd cyfnod cofrestru'r flwyddyn academaidd benodol honno, nid yw bellach yn 'wir ymgeisydd' ac fe'i gwahoddir i optio mewn i dderbyn cyfathrebiadau pellach, h.y. os ydy ymgeisydd wedi gwneud cais am flwyddyn academaidd 20/21, ond nid yw wedi cofrestru erbyn 15 Hydref 2020, anfonir gwahoddiad ato i optio mewn. Os bydd yn penderfynu peidio ag optio mewn, caiff ei gofnod ei newid i 'peidio â chysylltu'. Fodd bynnag, caiff y data personol eu storio yn y system Rheoli Cysylltiadau Cwsmeriaid tan ddiwedd y cyfnod cadw neu dderbyn cyfarwyddyd i'w dileu.
Digwyddiadau ychwanegol a gynigiwn, megis y Gwasanaeth Codi/Cwrdd a Chyfarch yn y Maes Awyr, Cynadleddau Myfyrwyr/Athrawon ac ati.	Cyfiawnhad Bydd dull cofrestru gan yr holl wasanaethau ychwanegol a gynigir gennym, lle bydd angen cydsynio. Sail Gyfreithiol yn ôl diffiniad y GDPR Mae'r Testun Data wedi rhoi cydsyniad i'r prosesu.

Pa wybodaeth byddwn ni'n ei derbyn gan drydydd partïon?

Yn rhan o'ch cais fel myfyriwr yn y Drindod Dewi Sant yn y dyfodol, gallwn dderbyn eich cais neu wybodaeth arall am eich cais o ffynonellau allanol. Mae ffynonellau'n cynnwys, ond heb eu cyfyngu i, y canlynol:

Data y gallwn ni eu derbyn	Ffynhonnell
Data ymgeisio, sy'n cynnwys manylion cyswllt a chyrhaeddiad, profiad gwaith, sefydliad blaenorol, data cyddestunol a gwybodaeth am anabled	UCAS, Prosiectau Grantiau Ymchwil megis KESS 2 a Chynghorau Ymchwil y DU, Erasmus, CAB neu Sefydliadau Addysg Uwch eraill, os er enghraifft, mae'ch rhaglen astudio yn cynnwys treulio cyfnod o amser mewn sefydliad tu allan i'r Drindod Dewi Sant.
Tystlythyrau	Y canolwr o'ch dewis.
Eich statws a hanes mewnfudo	Y Swyddfa Gartref (Fisâu a Mewnfudo'r DU), y Swyddfa Dramor a Chymanwlad
Trawsgrifiadau (manyion rhaglenni sydd wedi'u cyflawni neu'n cael eu cyflawni mewn sefydliad arall, a'ch cyrhaeddiad)	Cyrff dyfarnu, HEDD, sefydliad arall a/neu ysgolion uwchradd.
Cadarnhad ynghylch gwiriadau	Gwasanaeth Datgelu a Gwahardd, Gwiriadau'r Heddlu, ATAS

Pwy sy'n derbyn eich gwybodaeth chi?

Ni rennir eich data ag unrhyw sefydliadau y tu allan i'r Brifysgol, oni bai bod hynny'n ofynnol yn ôl y gyfraith. Fodd bynnag, pan fo'n angenrheidiol, rhennir gwybodaeth bersonol er mwyn cefnogi a darparu gwasanaeth yn gysylltiedig â'r broses recriwtio a derbyn.

Data y gallwn ni eu rhannu	Derbynwyr
Ymholiadau (neu fynegiannau o ddiddordeb)	Gallwn rannu'ch ymholiad yn fewnol â'r Gyfadran/Athrofa neu Ysgol yn y Brifysgol er mwyn iddynt ymateb i chi.
Data ymgeisio, sy'n cynnwys manylion cyswllt a chyrhaeddiad, profiad gwaith, sefydliad blaenorol, data cyd-destunol a gwybodaeth am anabled	Gallwn rannu'ch cais yn fewnol er mwyn i Ysgol asesu'ch cymhwysedd fel myfyriwr yn y Drindod Dewi Sant yn y dyfodol.
Gwybodaeth yn gysylltiedig â Materion Mewnfudo (lle bo angen)	Mae'r Brifysgol wedi ei thrwyddedu i noddi myfyrwyr mudol o dan Haen 4 y system sy'n seiliedig ar bwyntiau. Bydd y Brifysgol yn darparu data ar gyfer y Swyddfa Gartref er mwyn cael rhif Cadarnhad Derbyn i Astudio. Mae rhif Cadarnhad Derbyn i Astudio yn galluogi myfyrwyr i wneud cais am Fisa Myfyrwyr Haen 4. Bydd y Brifysgol hefyd yn darparu data am fyfyrwyr ar Fisa Myfyrwyr Haen 4 ar gyfer y Swyddfa Gartref a'i hadrannau er mwyn cyflawni ei dyletswyddau o dan ei thrwydded.
Data ymgeisio megis cymwysterau, lle bo'n berthnasol.	Mae Canolfan Gwybodaeth Adnabod Genedlaethol y DU (UK NARIC) yn cynghori sefydliadau fel ni ynghylch cymharu cymwysterau rhyngwladol â lefelau fframweithiau cymwysterau'r DU. Maent yn gwneud hyn drwy asesu'r cymhwyster drwy eu porth ar-lein.
Data ymgeisio megis diweddariadau ar y gweithgarwch prosesu	I noddwyr a rheni lle rhoddwyd cydsyniad
Data ymgeisio	Sefydliadau Addysg Uwch eraill, er enghraifft os ydy'ch rhaglen astudio'n cynnwys treulio cyfnod mewn sefydliad y tu allan i'r Drindod Dewi Sant.
Bydd unrhyw ddatgeliadau eraill gan y Brifysgol yn unol â deddfwriaeth Diogelu Data a GDPR, ac ystyrir eich buddiannau bob amser.	

Y Rheolydd Data a Manylion Cysylltu

Trosglwyddo Eich Gwybodaeth yn Rhyngwladol
Fel arfer ni fyddwn yn trosglwyddo unrhyw ran o'ch data personol y tu allan i'r UE. Bydd unrhyw drosglwyddo sy'n digwydd yn unol â'r GDPR.

Am faint y caiff eich gwybodaeth chi ei chadw?

Byddwn yn cadw'ch gwybodaeth bersonol yn unol â'n Hamserlen Cadw Cofnodion.

Diogelwch eich gwybodaeth

O dan ddeddfwriaeth Diogelu Data mae'n rhaid i ni gadw eich gwybodaeth yn ddiogel. Golyga hynny y caiff eich cyfrinachedd ei barchu, ac y cymerir pob cam priodol i atal mynediad a datgeliad heb ganiatâd. Dim ond aelodau o'r staff y mae angen iddynt gael mynediad at rannau perthnasol neu at eich holl wybodaeth a gaiff hawl i wneud hynny. Bydd gwybodaeth amdanoch chi ar ffurf electronig yn amodol ar gyfrinair a chyfyngiadau diogelwch eraill, tra cedwir ffeiliau papur mewn manau diogel lle rheolir mynediad.

Mae'n bosibl y gwneir rhywfaint o brosesu ar ran y Brifysgol gan sefydliad a contractiwyd at y diben hwnnw. Bydd sefydliadau sy'n prosesu data personol ar ran y Brifysgol wedi eu rhwymo o dan rwymedigaeth contractiol i brosesu data personol yn unol â deddfwriaeth Diogelu Data.

Beth yw eich hawliau chi?

Mae gennych hawl i weld eich gwybodaeth bersonol, i wrthwynebu bod eich gwybodaeth bersonol yn cael ei phrosesu, i gywiro, dileu, cyfyngu a throsglwyddo eich gwybodaeth bersonol dan GDPR. Os ydych chi wedi rhoi cydsyniad i'r Drindod Dewi Sant brosesu unrhyw rai o'ch data mae gennych hefyd hawl i ddiddymu'r cydsyniad hwnnw. Mae'ch hawliau yn gynwysedig o fewn Polisi Diogelu Data'r Brifysgol.

Dylid anfon unrhyw geisiadau neu wrthwynebiadau yn ysgrifenedig at Swyddog Diogelu Data'r Brifysgol:-

Paul Osborne
Swyddog Diogelu Data
Prifysgol Cymru y Drindod Dewi Sant
Ysgol Fusnes Abertawe,
Y Stryd Fawr, Abertawe SA11NE
E-bost foi@uwtsd.ac.uk

Diweddarau eich dewisiadau

Byddwch yn gallu diweddarau eich dewisiadau ar unrhyw adeg ar-lein gan ddefnyddio'r cyfeiriad e-bost rydych wedi'i ddefnyddio yn ystod y broses recriwtio a derbyn.

Canlyniadau peidio â darparu'r data pan fydd hynny ar sail gofyniad statudol neu contractiol

Yn anffodus ni fydd y Brifysgol yn gallu prosesu'ch cais os byddwch yn gwrthod darparu'r wybodaeth angenrheidiol pan fydd hynny ar sail gofyniad statudol neu contractiol.

Sut i wneud cwyn

Os ydych chi'n anhapus â'r modd y mae eich gwybodaeth bersonol wedi cael ei phrosesu, cewch gysylltu yn y lle cyntaf â Swyddog Diogelu Data'r Brifysgol trwy ddefnyddio'r manylion cyswllt uchod.

Os byddwch yn parhau heb eich bodloni, mae gennych hawl i wneud cais uniongyrchol i'r Comisiynydd Gwybodaeth am benderfyniad.

Gellir cysylltu â'r Comisiynydd Gwybodaeth yma: -

Information Commissioner's Office,
Wycliffe House,
Water Lane, Wilmslow,
Cheshire, SK9 5AF
www.ico.org.uk

Eich cyfrifoldebau chi

Mae gennych gyfrifoldeb i gadw eich manylion personol yn gyfredol. Yn ystod eich astudiaethau, efallai y cewch fynediad at wybodaeth bersonol am bobl eraill. Mae disgwyl i chi ymdrin â hyn mewn modd cyfrifol a phroffesiynol ac mae rhwymedigaeth gyfreithiol arnoch i wneud hyn o dan ddeddfwriaeth Diogelu Data, yn ogystal ag unrhyw foeseq broffesiynol neu godau ymddygiad. Os rhoddir i chi wybodaeth bersonol yn gyfrinachol, disgwylir na fyddwch yn dweud wrth neb heb gydsyniad yr unigolyn, ac eithrio o dan amgylchiadau eithriadol. Hefyd ni ddylech geisio dod o hyd i ddata personol pobl eraill os nad oes gennych hawl. Ystyrir camau disgyblu yn erbyn unrhyw aelod o'r Brifysgol sy'n torri Deddfwriaeth Diogelu Data neu ddyletswydd cyfrinachedd.



Prifysgol Cymru
Y Drindod Dewi Sant
University of Wales
Trinity Saint David